

SARAJEVO Denis Zvizdić, predsjedavajući Skupštine KS

Kongres bh. naučnika 27. avgusta u Sarajevu

Logičan nastavak nastojanja da se povežu naučnici iz BiH i oni koji žive i djeluju širom svijeta



Zvizdić:
Znanje kao
bazni resurs

Poučeni dobrim iskustvom iz 2006. godine, Vlada Kantona Sarajevo uz pomoć Ministarstva obrazovanja FBiH i Vijeća ministara odlučila je ove godine organizirati Drugi kongres bh. naučnika iz zemlje i svijeta.

Tako će KS biti domaćin uspješnim, kvalitetnim i priznatim naučnicima i umjetnicima koji rade širom svijeta i u BiH,

kazao je u razgovoru za „Dnevni avaz“ predsjedavajući Skupštine KS Denis Zvizdić, koji je i predsjednik Organizacionog odbora Kongresa.

Ovaj kongres bit će održan od 27. avgusta do 1. septembra

Istaknuti učesnici

Kako je najavio Zvizdić, na Kongresu će, između ostalih, učestvovati akademik Kemal Hanjalić iz Italije, prof. dr. Jan Brover (Brower) iz Holandije, Senada Softić-Telalović iz Australije.

u hotelu „Radon plaza“ u Sarajevu, a na skupu će biti više od 400 naučnika iz 23 zemlje svijeta i BiH.

- Kongres će biti izvjesna smotra naučnih radova. Ovo je logičan nastavak nastojanja da se povežu naučnici iz BiH i oni koji žive i djeluju širom svijeta. Jasno je da je nemoguć ozbiljan i efektivan razvoj društva ako se znanje kao bazni resurs ne stavi u vrh prioriteta svih segmenata politike u BiH. Samo društvo koje je bazirano na znanju, kao najdragocjenijoj robi, može računati na svoj vizionarski prosperitet - rekao je Zvizdić.

On je naglasio kako je jedan od glavnih ciljeva Kongresa da se daju preporuke svim nivoima vlasti nadležnim za obrazovanje i nauku da se značajnije povećaju istraživački kapaciteti te da se ubrza jačanje postojećih i osnivanje novih naučnoistraživačkih instituta.

N. P.

Tri tematske cjeline

Kongres bh. naučnika iz zemlje i svijeta bit će podijeljen u tri tematske cjeline. Prva se odnosi na sekciju u kojoj će učestvovati naučnici društve-

nih, humanističkih, biomedicinskih, biotehničkih i prirodnih te tehničkih nauka. Druga tematska cjelina je biznis forum, a treća forum mladih.